



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

აჭა

აჭა, ჰაჭა (

სამართლის მთხოვნელის ა-ს ანუ საჩივარს (გვიანდ. არზა) განიხილავდა სათანადო ხელისუფალი ან სასამართლო დაწესებულება (ერთ დროს სააჯო კარი). ა-ის შედეგად წყალობის მიღება საგანგებო მინიშნებით აისახებოდა საბუთში (მაგ., „...მამულის წიგნსა გვეაჭენით, ვისმინეთ აჭა და მოხსენება თქუენი... შეგიწყალეთ და გიბოძეთ ...“). წყალობის სიგელის იმ ნაწილს, სადაც თხოვნის მოკლე შინაარსი იყო გადმოცემული, ჰაჭა-მოხსენება ერქვა.

ივ. ჯავახიშვილის ცნობით, „სამართალი სამეუფო“ (უზენაესი სასამართლო), სადაც საქმეებს თვითონ მეფე განიხილავდა, დავით აღმაშენებელმა ცალკე დაწესებულებად აქცია. აქ მეფის ნაცვლად საქმეებს პროფესიონალი მოხელეები – „კაცნი მართლად მცნობელნი და განმკითხველი მოჩივართანი, რომელთა მიერ მიიღებდეს კურნებასა“ იხილავდნენ. ტერმინ ა-ს (თანამედროვე გაგებით – სარჩელს), უკავშირებს მკვლევარი XII ს-იდან უმაღლესი სასამართლო დაწესებულების, სააჯო კარის ცალკე არსებობას: „«სააჯო კარი» ის სასამართლო დაწესებულება უნდა ყოფილიყო, სადაც მოჩივართა „აჭა“-ს ანუ მეფისათვის მირთმეულ საჩივრებს არჩევდნენ“.

ლიტ.: ჯ ა ვ ა ხ ი შ ვ ი ლ ი ივ., ისტორიის მიზანი, წყაროები და მეთოდები წინათ და ეხლა, წგ. 3, ნაკვ. 2 - ქართული სიგელთა-მცოდნეობა ანუ დიპლომატიკა, ტფ., 1926; მ ი ს ი ვ ე , ქართული სამართლის ისტორია, წგ. 2, თბ., 1984 (თბზ. თორმეტ ტომად, ტ.7).

